

Broj: 01-14-7- 227-14 /18
Datum: 22.05.2018. godine

Na osnovu člana 69. stav (3), člana 70. stav (1), (2) i (4) i (6) Zakona o javnim nabavkama ("Službeni glasnik BiH," broj 39/14) i Preporuke Komisije za javnu nabavku, broj 01-14-7- 227-13 /18 od 21.05.2018. godine, u Konkurentskom postupku za dostavu ponuda za usluge fiksne telefonije, direktor Agencije, donosi

ODLUKU o poništenju postupka nabavke usluga fiksne telefonije

Član 1.

Poništava se postupak javne nabavke usluga fiksne telefonije putem Konkurentskog zahtjeva za dostavu ponuda iz razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka, a u skladu sa članom 69. stav (3) Zakona o javnim nabavkama ("Službeni glasnik BiH", broj 39/14).

Član 2.

Ova Odluka objavit će se na web-stranici Agencije www.adsfbih.gov.ba istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 3.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke usluga fiksne telefonije, broj: 01-14-7- 227/2018 od 22.03.2018. godine.

Javna nabavka je provedena putem Konkurentskog zahtjeva za dostavu ponuda za nabavku usluga fiksne telefonije. Obavještenje o nabavci, broj: 167-7-2-36-3-4-/18 objavljeno dana 11.04.2018. godine na Portalu javnih nabavki. Preuzimanje Tenderske dokumentacije, broj: 01-14-7-227-5/18 od 09.04.2018. godine bilo je moguće do 25.04.2018. godine i u navedenom periodu nisu tražena pojašnjenja tenderske dokumentacije od strane potencijalnih ponuđača.

Procijenjena vrijednost javne nabavke iznosila je 14.000,00 KM, bez PDV-a. Komisija za nabavku imenovana je Rješenjem, broj: 01-14-7-227-1/18 od 22.03.2018. godine. Komisija je sačinila Zapisnike i ocjenu ponuda, broj: 01-14-7-227-8/18 od 25.04.2018. godine, broj: 01-14-7-227-11/18 od 07.05.2018. godine i broj: 01-14-7-227-12/18 od 21.05.2018. godine i dala direktoru Agencije Preporuku o poništenju postupka nabavke usluga fiksne telefonije, broj: 01-14-7-227-13/18 od 21.05.2018. godine.

Iz Zapisnika o pregledu i ocjeni ponuda proizilazi da je Komisija za javnu nabavku blagovremeno i ispravno izvršila otvaranje, pregled i ocjenu prispjelih ponuda i utvrdila slijedeće:

- da su u predmetnom postupku, blagovremeno, zaprimljene 2 ponude, i to, BH Telecom d.d. Sarajevo i europroNET Bosnia d.o.o., Sarajevo,
- da nije bilo neblagovremeno zaprimljenih ponuda.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te Zapisnikom, broj: 01-14-7-227-8/18 od 25.04.2018. godine, ustanovila da su dostavljene ponude formalno ispravne.

Prilikom evaluacije ponuda Komisija je ustanovila da su ponude BH Telecoma-a i europroNET Bosnia, u Anex-u 2 - Obrasca za cijenu ponude, različito iskazane, od rednog broja 1 do 4 koje se odnose na pretplate za fiksni priključak.

Naime, ponuđač BH Telecom je u koloni Ukupna cijena po stavki bez PDV-a u prve četiri stavke iskazao ukupne iznose na godišnjem nivou, dok je drugi ponuđač, europroNET Bosnia, na istim stavkama iskazao iznose na mjesečnom nivou. Stavke od rednog broja 5 do 13 oba ponuđača iskazala su na godišnjem nivou.

Kao razlog različitog pristupa popune navedenog obrasca može se smatrati nedovoljno precizno definisanje kolone za iskazivanje Ukupne cijene po stavkama. Ugovorni organ je prilikom kreiranja tabele za cijenu ponude smatrao da se u ovoj koloni unose iznosi za period na koji se tender i odnosi, a to je jedna godina. Tek nakon analize prispjelih ponuda Ugovorni organ je ustanovio da tenderska dokumentacija sadrži grešku koja onemogućava konkurenciju, kao i svrhu samog Zakona o javnim nabavkama, pa je nemoguće izvršiti i poređenje predmetnih ponuda.

Iz navedenih razloga, a na osnovu člana 69. stav (3) Zakona o javnim nabavkama, donosi se Odluka o poništenju postupka javne nabavke usluga fiksne telefonije za 2018. godinu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi, putem ugovornog organa Agencije za državnu službu Federacije BiH (Kulovića broj 7, Sarajevo), najkasnije u roku od 5 (pet) dana od dana prijema ove Odluke, na način propisan Zakonom o javnim nabavkama ("Službeni glasnik BiH", broj 39/14) .

Žalba se podnosi u najmanje 3 (tri) primjerka.

Dostavljeno:

- ponuđačima
- u spis predmeta
- a/a

V.D. DIREKTOR

Refik Begić, magistar uprave

